

JKP „VODOVOD I KANALIZACIJA“ D.OO. TUZLA

Na osnovu odredaba člana 8 i 26. Zakona o javnim preduzećima u FBiH („Sl. novine FBiH“, broj 8/05, 81/08 i 22/09), člana 303. a u vezi sa čl. 271. Zakona o privrednim društvima („Sl. novine FBiH“, broj 81/15), člana 40. alineja 16. Statuta „JKP Vodovod i kanalizacija“ d.o.o. Tuzla i Zaključka Nadzornog odbora JKP „Vodovod i kanalizacija“ d.o.o. Tuzla, broj 2692/18-III od 26.04.2018. godine, Nadzorni odbor JKP „Vodovod i kanalizacija“ d.o.o. Tuzla, raspisuje

JAVNI KONKURS

za izbor kandidata za predsjednika i članove Odbora za reviziju JKP „Vodovod i kanalizacija“ d.o.o. Tuzla

Raspisuje se Javni konkurs za izbor kandidata za sastav Odbora za reviziju JKP „Vodovod i kanalizacija“ d.o.o. Tuzla, i to:

- predsjednik Odbora za reviziju-1 član i
- članovi Odbora za reviziju- 2 člana

I Opis pozicije

- imenuje vanjskog revizora i direktora Odjela interne revizije;
- vrši reviziju polugodišnjeg i godišnjeg obračuna i istovremenu kontrolu usklađenosti poslovanja društva i funkcioniranja organa sa zakonom, drugim relevantnim propisima i osnovnim principima korporativnog upravljanja i o tome dostaviti izvještaj Skupštini i Nadzornom odboru, najkasnije osam dana po okončanju revizije;
- razmatra godišnju strategiju rizika i plan revizije u kojima su prikazane pojedinsoti u pogledu rizičnih područja i revizija koje će se izvršiti, te osigurati da prijavljena pitanja budu bez odlaganja i na odgovarajući način korigovana;
- osigurava da interne kontrole u društvu budu adekvatne i da funkcioniraju kako je predviđeno;
- podnosi Nadzornom odboru sažete mjesečne izvještaje o svojim sastancima svakog mjeseca;
- drugi poslovi u skladu sa zakonom i Statutom JKP Vodovod i kanalizacija d.o.o. Tuzla.

Mandat predsjednika i članova Odbora za reviziju traje 4 (četiri) godine sa mogućnošću ponovnog imenovanja. Naknada predsjednika Odbora za reviziju iznosi mjesečno neto 150,00KM, a za članove mjesečno neto 100,00KM.

II Opći uslovi

- a) da je državljanin Bosne i Hercegovine;
- b) da je stariji od 18 godina i da nije stariji od 65 godina na dan imenovanja;
- c) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini ili otpušten iz privrednog subjekta na osnovu povrede obaveze iz radnog odnosa u periodu od 3 (tri) godine prije dana objavljivanja upražnjene pozicije;
- d) da nije osuđivan za krivično djelo i privredni prijestup nespojiv sa dužnošću člana Odbora za reviziju u roku od pet godina računajući od dana izdržane, zastarjele ili oproštene kazne;
- e) da mu odlukom suda nije zabranjeno obavljanje aktivnosti na poziciji na koju se kandiduje;
- f) da se na njega ne odnosi član IX 1 Ustava Bosne i Hercegovine;
- g) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine i Zakona o sukobu interesa u institucijama vlasti u Federaciji Bosne i Hercegovine;
- h) da nije član Nadzornog odbora, Uprave ili radnik JKP „Vodovod i kanalizacija“ d.o.o. Tuzla, niti da ima direktni ili indirektni finansijski interes u JKP „Vodovod i kanalizacija“ d.o.o. Tuzla;
- i) da nije na funkciji u političkoj stranci;
- j) da nije član Odbora za reviziju niti radnik bilo kojeg javnog preduzeća, odnosno preduzeća sa većinskim državnim kapitalom.

III Posebni uslovi

- a) da ima Univerzitetsku diplomu visoke stručne spreme ekonomske ili pravne struke, stečenu po propisima koji su se primjenjivali prije početka Okvirnog Zakona o visokom obrazovanju u BiH ili koja

- je stečena u skladu sa Okvirnim Zakonom o visokom obrazovanju u BiH i koja je vrednovana sa najmanje 240 ECTS bodova;
- b) da ima 5 (pet) godina radnog iskustva na finansijsko-računovodstvenim poslovima ili poslovima revizije ili finansijske kontrole ili poslovima planiranja i analize, a predsjednik da ima najmanje 5 (pet) godina radnog iskustva na navedenim poslovima nakon sticanja sertifikata samostalnog računovođe ili sertifikata ovlaštenog revizora;
 - c) da kandidat za predsjednika Odbora za reviziju posjeduje sertifikat samostalnog računovođe ili ovlaštenog revizora;
 - d) da posjeduje stručna znanja vezana za nadležnosti i rad Odbora za reviziju i način rada organa upravljanja privrednih društava;

IV Kao dokaz o ispunjavanju uslova iz Javnog konkursa kandidati su uz prijavu na Javni konkurs dužni priložiti sljedeću dokumentaciju:

- biografija (CV) i kontakt telefon;
- uvjerenje o državljanstvu (ukoliko na obrascu nema naznake da su bez važenja isti ne mogu biti stariji od 6 mjeseci);
- izvod iz matične knjige rođenih (ukoliko na obrascu nema naznake da su bez važenja isti ne mogu biti stariji od 6 mjeseci);
- fotokopiju lične karte;
- ovjerenu kopiju diplome traženog nivoa visoke stručne spremne odgovarajuće struke;
- potvrda o radnom stažu;
- sertifikat ovlaštenog revizora ili sertifikat samostalnog računovođe za kandidata za predsjednika Odbora za reviziju;
- original ili ovjerena kopija uvjerenja o nekažnjavanju iz tačke II pod d) (ne starije od 3 mjeseca);
- ovjerene pismene izjave kandidata o ispunjavanju uslova iz tačke II pod c), e), f), g), h), i) i j);

Dokumentaciju iz tačke 4 kandidati su dužni priložiti u originalu ili u ovjerenj kopiji.
Sve tražene izjave se mogu dati u jednoj zajedničkoj izjavi.

Kandidati su dužni u biografiji navesti podatke ili dostaviti odgovarajuće dokaze o ispunjavanju uslova koji se odnose na posjedovanje stručnih znanja vezanih za nadležnosti i rad Odbora za reviziju i način rada organa upravljanja privrednih društava.

Imenovanje predsjednika i članova Odbora za reviziju izvršit će Skupština Društva, na prijedlog Nadzornog odbora.

Konkurs ostaje otvoren 15 dana od dana posljednjeg objavljivanja u sredstvima javnog informisanja.

Kandidati su dužni dostaviti prijave sa potrebnom dokumentacijom lično ili putem pošte na adresu:

JKP „Vodovod i kanalizacija“ d.o.o. Tuzla
ulica 2 oktobar br. 1
75000 Tuzla
sa naznakom Prijava na javni konkurs za izbor Odbora za reviziju-ne otvarati

Nepotpune i neblagovremene prijave neće se uzeti u razmatranje.

Kandidati će biti obavješteni o ishodu javnog konkursa, a priložena dokumentacija se neće vraćati.